

JAVNI POZIV ZA ISTRAŽIVAČE
Policy Lab za dobro upravljanje
Transparency International u BiH

Transparency International u BiH poziva mlade istraživače da se prijave za učešće u **Policy Lab-u za dobro upravljanje**, jedinstvenoj prilici pripremljenoj za podsticanje inovativnih istraživanja zasnovanih na dokazima i izazovima dobrog upravljanja u Bosni i Hercegovini. Policy Lab pruža finansijsku i stručnu mentorsku podršku mladim istraživačima u njihovim naporima da doprinesu efikasnijim javnim politikama.

Policy Lab za dobro upravljanje je inicijativa osmišljena s ciljem podsticanja inovativnog, inkluzivnog i na dokazima zasnovanog istraživanja koje se fokusira na izazove dobrog upravljanja u BiH. Policy Lab pruža platformu gdje mladi istraživači i stručnjaci iz oblasti javnih politika mogu sarađivati na razvoju praktičnih rješenja vezanih za pitanje dobrog upravljanja, s posebnim naglaskom na transparentnost, odgovornost, borbu protiv korupcije i reformu javnog sektora.

Ključni elementi Policy Lab-a:

- Izgradnja kapaciteta za mlade istraživače
- Inovacije u javnim politikama
- Pristup zasnovan na istraživanju
- Inkluzivnost i saradnja
- Fokus na dobro upravljanje
- Praktična primjena istraživanja.

Ciljevi Policy Lab-a za dobro upravljanje:

- ***Promocija dobrog upravljanja zasnovanog na dokazima:*** Podsticanje inovativnih pristupa izazovima dobrog upravljanja kroz istraživanje;
- ***Podrška mladim istraživačima:*** Osnaživanje mladih istraživača u njihovim naporima da doprinesu unapređenju dobrog upravljanja;
- ***Omogućavanje praktične primjene istraživanja:*** Obezbeđivanje da se rezultati istraživanja mogu primijeniti za unapređenje praksi dobrog upravljanja i donošenja politika.

Tematske oblasti:

Prijedlozi trebaju da budu vezani za pitanje dobrog upravljanja. Predložene teme uključuju, ali nisu ograničene na:

- ***Transparentnost i odgovornost:*** Mehanizmi unapređenja transparentnosti u javnom sektoru, jačanje okvira odgovornosti i učešća građana;

- **Antikorupcijske strategije:** Analiza rizika od korupcije, alati za suzbijanje korupcije i etičko ponašanje u upravljanju;
- **Reforma javnog sektora:** Administrativne reforme, decentralizacija i inicijative za e-upravu;
- **Vladavina prava:** Nezavisnost pravosuđa, zakonske reforme i kvalitet zakonodavnih rješenja;
- **Javne politike i pružanje usluga:** Izrada politika, krizni menadžment, unapređenje javnih usluga;
- **Održiv razvoj i upravljanje:** Ekonomsko upravljanje, socijalna inkluzija i podsticanje ostvarenja Ciljeva održivog razvoja (SDG);
- **Institucionalni kapaciteti i ljudski resursi:** Izgradnja kapaciteta institucija i ljudskih resursa u javnoj upravi;
- **Međunarodne i komparativne perspektive:** Najbolje prakse i međunarodna saradnja
- **Inovativna rješenja za upravljanje:** Nove prakse, tehnologije i pristupi u upravljanju.

Prednosti za odabrane istraživače:

1. **Metodološka podrška:** Sveobuhvatna podrška u dizajnu istraživanja i prikupljanju podataka;
2. **Financijska podrška:** Sredstva za pokrivanje troškova vezanih za istraživanje, kao što su prikupljanje podataka, putovanja i materijali;
3. **Mentorstvo i umrežavanje:** Povezivanje saiskusnim mentorima i stručnjacima iz oblasti javnih politika;
4. **Objava i diseminacija:** Podrška u objavljivanju rezultata istraživanja i osiguranju njihovog uticaja na kreiranje javnih politika.

Kriterijumi podobnosti kandidata

Akadska i profesionalna pozadina:

- **Obrazovanje:** Kandidati treba da posjeduju master diplomu iz relevantnih oblasti, kao što su javna uprava, političke nauke, ekonomija, pravo, sociologija ili srodne discipline;
- **Afiliacija:** Iako nije obavezno, prednost može imati povezivanje sa akademskom institucijom, istraživačkom organizacijom ili relevantnim profesionalnim tijelom.

Iskustvo:

- **Istraživačko iskustvo:** Kandidati trebaju dokazati iskustvo u istraživačkom radu ili angažman na projektima vezanim za dobro upravljanje. To može uključivati prethodni istraživački rad, publikacije ili učešće na relevantnim radionicama i konferencijama;
- **Istraživački prijedlog:** Kandidati moraju dostaviti prijedlog istraživanja (3-5 stranica) koji obrađuje ključna pitanja u oblasti dobrog upravljanja, pokazujući originalnost, relevantnost i praktičnu primjenjivost, kao i plan rada za vrijeme trajanja istraživanja;
- **Dob:** Program je namijenjen istraživačima na početku karijere koji posjeduju master diplomu ne duže od 10 godina. Fleksibilnost se može primijeniti u specifičnim okolnostima ili izuzetnim slučajevima.

Kako se prijaviti?

Dokumentacija za prijavu

1. **Popunjen obrazac za prijavu:** Popunjen obrazac sa osnovnim informacijama o kandidatu i predloženom istraživanju
2. **Biografija (CV):** Detaljna biografija koja ističe akademska postignuća, istraživačko iskustvo i relevantne vještine.
3. **Prijedlog istraživanja (3-5 stranica):** Struktuiran prijedlog istraživanja koji uključuje ciljeve, istraživačka pitanja, metodologiju, očekivane rezultate i praktičnu primjenu, uključujući i finansijski okvir za provođenje istraživanja.
4. **Reference:** Najmanje dvije reference koje su upoznate sa istraživačkim sposobnostima i potencijalom kandidata. Moguće je da se traži pismo preporuke.

Pošaljite svoju prijavu putem e-maila na adresu info@ti-bih.org uz obaveznu naznaku u naslovu e-maila: **Prijava za Policy Lab za dobro upravljanje** do 31.01.2025. godine. Prijava treba sadržavati sve gore navedene dokumente. Za više informacija kontaktirajte nas putem e-maila info@ti-bih.org

Proces selekcije:

Prijave će biti pregledane na osnovu relevantnosti, originalnosti i potencijalnog uticaja istraživanja. Odabrani istraživači će dobiti finansijsku pomoć, mentorstvo i pristup mogućnostima koje pruža Policy Lab.

Vremenski okvir:

Očekuje se da će istraživačke aktivnosti trajati između 9 i 12 mjeseci uz redovne izvještaje o napretku. Odabrana istraživanja će biti objavljena i podijeljena sa relevantnim zainteresiranim stranama.